

# AUGLÝSING

## um starfsleyfi fyrir Síldarverksmiðjur ríkisins, Raufarhöfn.

### 1. Almenn ákvæði.

- 1.1 Verksmiðjunni er heimilt að framleiða fiskmjöl og lýsi úr fiski og fiskúrgangi. Hámarksafköst verksmiðjunnar skulu við það miðast, að ekki verði um sérstaka mengun umhverfis að ræða vegna of mikils álags á tækjakost.
- 1.2 Verksmiðjunni er skylt að sjá um, að á öllu athafnasvæði verksmiðjunnar sé gætt fyllsta hreinlætis. Svæðið skal lagt bundnu slitlagi eftir því sem þurfa þykir að mati heilbrigðisnefndar viðkomandi svæðis. Verksmiðjunni ber að halda útliti sínu og umhverfi snyrtilegu.
- 1.3 Verksmiðjunni er skylt að ganga þannig frá mannvirkjum og búnaði og haga allri starfsemi svo, að hætta á gerlamengun í hráefni og mjöli verði sem minnst.
- 1.4 Um varnir gegn skaðlegum áhrifum á starfsmenn og starfsumhverfi fer samkvæmt lögum nr. 46/1980 um aðbúnað, hollustuhætti og öryggi á vinnustöðum.
- 1.5 Áformi verksmiðjan að gera umtalsverðar breytingar á rekstri eða stækka verksmiðjuna, skal greina Hollustuvernd ríkisins og heilbrigðisnefnd viðkomandi svæðis skriflega frá því áður en framkvæmdir hefjast.
- 1.6 Hollustuvernd ríkisins getur, að höfðu samráði við umsagnaraðila, lagt til við heilbrigðis- og tryggingamálaráðherra, að starfsleyfið verði endurskoðað, ef í ljós koma skaðleg áhrif á umhverfið, sem ekki voru ljós fyrir. Sama gildir ef almennar kröfur, ráð og tæki koma til aukinna mengunarvarna.

### 2. Varnir gegn mengun umhverfis.

- 2.1 Allt löndunarvatn, sem til fellur, skal tekið til vinnslu í verksmiðju.
- 2.2 Verksmiðjan skal hafa aðstöðu til að taka við vatni frá grófskolun lesta til vinnslu enda sé vatnsmagninu haldið í lágmarki, t.d. með notkun á háþrýstidælum. Aldrei skal nota meira vatn en sem nemur 1% af lönduðu hráefni.
- 2.3 Flutningstæki, sem notuð eru til flutnings á hráefni til verksmiðju, skulu vera vökvaheild og viðurkennd af heilbrigðisnefnd viðkomandi svæðis.
- 2.4 Allt hráefni skal geymt í yfirbyggðum þróm eða geymum. Hráefnisþrær skulu vera þéttar og skal allt blóðvatn og annar vökvi frá hráefni tekinn til vinnslu. Strax og hráefnisgeymsla hefur verið tæmd skal skola hana með vatni. Vatni frá fyrstu skolun skal halda í lágmarki, t.d. með háþrýstidælum og taka til vinnslu í verksmiðju.
- 2.5 Tæming hráefnisgeymslna skal vera sem mest sjálfvirk. Reynist nauðsynlegt að nota mokstur-tæki skal þrifa þau vel að verki loknu.
- 2.6 Fiskúrgang skal að jafnaði ekki geyma lengur en fjóra sólarhringa áður en hann er tekinn til vinnslu. Hafi hitastig verið undir 4°C meðan á geymslu stóð er heimilt að geyma úrgang í allt að eina viku. Heilbrigðisnefnd viðkomandi svæðis getur veitt undanþágu frá þessari kröfu, ef ástæða þykir til.
- 2.7 Við rotvörn bræðslufisks skal nota viðurkenndan skömmtunar- og blöndunarbúnað. Um styrk og meðferð rotvarnarefna fer samkvæmt reglugerð um notkun rotvarnarefna til geymslu á bræðslufiski, eins og hún er hverju sinni.
- 2.8 Loftræsta skal frá verulegum lyktaruppsprettum í verksmiðju og ræstiloftið flutt til lyktheydingar. Loftræsting skal hönnuð á þann hátt, að sem minnst af ómengdu lofti sé dregið með.
- 2.9 Loft frá þurrkurum skal leiða í gegnum rykskiljur með góða skiljunarhæfni og síðan til lyktheydingar.

- 2.10 Lyktheyðing skal framkvæmd með þvotta- og þéttiturni, sem kælir útblásturinn niður í a.m.k. 20°C og/eða með brennslu lyktarefnanna. Lyktheyðing við brennslu skal vera jafngöð og eftir hitun í lofti í 700°C í 1/3 úr sekúndu. Við hönnun lyktheyðingarbúnaðarins skal tillit taka til orkuendurvinnslusjónarmiða.
- 2.11 Innan eins árs frá því að lofthreinsibúnaðurinn er tekinn í notkun skal fara fram athugun á hæfni hans í samráði við Hollustuvernd ríkisins. Niðurstöður þeirrar athugunar skal hafa til viðmiðunar varðandi kröfur um viðbótarhreinsun og/eða enn frekari dreifingu útblásturslofts frá verksmiðjunni.
- 2.12 Sodkjarnatæki skulu útbúin fullkomnum dropagildrum. Fylgjast skal vel með því að sodtæki séu ekki ofhlaðin. Allt sodvatn skal nýta.
- 2.13 Framkvæmd skal hreinsun á tækjabúnaði og mannvirkjum þannig að hreinsivökvanum sé safnað saman og hann endurnýttur eins oft og hægt er. Þegar hreinsivökvanum er veitt til sjávar skal sýrustig (pH) frárennslisstraumsins vera á bilinu 5—10.
- 2.14 Frárennslí úr hráefnisþróum og innan úr verksmiðju skal tengjast í fitugildru og þaðan ásamt öðru frárennslí leitt niður fyrir stórstraumsfjöruborð. Fitugildru skal hreinsa eins oft og nauðsyn krefur. Fitu og úrgang, sem safnast fyrir í fitugildru skal nýta eða farga á viðeigandi hátt að mati viðkomandi heilbrigðisnefndar. Fiskmjölsverksmiðjan skal hafa samráð við Hollustuvernd ríkisins um stærð og gerð fitugildru.
- 2.15 Framkvæma skal reglulega athugun á lífrænum efnum í frárennslí. Skal það gert í samráði við Hollustuvernd ríkisins. Niðurstöður skulu hafðar til hliðsjónar varðandi frekari kröfur um hreinsibúnað á frárennslí.
- 2.16 Frárennslí frá snyrtingum skal leiða í rotþró, eða frá því gengið með öðrum viðurkenndum hætti að mati viðkomandi heilbrigðisnefndar.
- 2.17 Lýsisgeymar skulu vera í lýsisheldri þró að rúmtaki minnst 20% af rúmtaki geymisins í þrónni.  
Séu fleiri en einn geymir í sömu þró skal rúmtakið vera minnst 20% af rúmtaki stærsta geymisins.  
Lokunarbúnaður skal vera af viðurkenndri gerð og þannig staðsettur að ekki sé hætta á því að hann verði fyrir hnjaski. Einn loki skal staðsettur innan þróar.
- 2.18 Um frágang olúgeyma og varnir gegn mengun af völdum olíu fer skv. heilbrigðisreglugerð nr. 45/1972 og reglum nr. 560/1982 um varnir gegn olíumengun sjávar við olíubirgðastöðvar.
- 2.19 Verksmiðjan skal sjá um að mengunarvarnarbúnaður sé ávallt í sem fullkomnustu lagi. Skal hafa reglulegt eftirlit með búnaði og ástandi hráefnis hverju sinni. Niðurstöður og athuganir skal skrá niður í sérstaka dagbók og skal fulltrúum Hollustuverndar ríkisins og viðkomandi heilbrigðisnefnd heimill aðgangur að þeim hvenær sem er.

### 3. Eftirlitsgjöld og gildistaka.

- 3.1 Fyrirtækið greiðir árlega eftirlitsgjald í samræmi við annan flokk gjaldskrár nr. 355/1986 með síðari breytingum.  
Gjaldið skal standa undir kostnaði við reglubundið eftirlit Hollustuverndar ríkisins, þar með talin vinna við starfsleyfi.
- 3.2 Eftirlit skal vera með tvennum hætti: Beint eftirlit Mengunarvarna Hollustuverndar ríkisins annars vegar og hins vegar eftirlit fyrirtækisins sjálfs, sem Hollustuvernd ríkisins fær sendar niðurstöður úr og flokkar og metur.

### 4. Gildistaka.

- 4.1 Starfsleyfi þetta, sem veitt er í samræmi við 5. gr. reglugerðar nr. 390/1985 um starfsleyfi fyrir atvinnurekstur, sem getur haft í för með sér mengun, sbr. 3. gr. laga nr. 109/1984 um hollustuhætti og heilbrigðiseftirlit, öðlast þegar gildi.

**5. Ákvæði til bráðabirgða.**

- 5.1 Ákvörðun og áætlanir um lofthreinsibúnað samkv. 2. gr. 10. tl. og fjárhagsáætlun vegna þeirra framkvæmda skulu liggja fyrir 1. janúar 1988.
- 5.2 Lofthreinsibúnað samkvæmt 2. gr. 10. tl. skal setja innan þriggja ára frá útgáfu þessa starfsleyfis.
- 5.3 Byggingu fitugildru á frárennsli samkvæmt 2. gr. 14. tl. skal lokið 1. janúar 1988.

*Heilbrigðis- og tryggingamálaráðuneytið, 18. ágúst 1987.*

**Guðmundur Bjarnason.**

Páll Sigurðsson.

26. ágúst 1987

Nr. 397

**AUGLÝSING**

**um afnám reglugerðar nr. 287 29. apríl 1983,  
um tollverð notaðra bifreiða.**

1. gr.

Reglugerð nr. 287 29. apríl 1983, um tollverð notaðra bifreiða er hér með úr gildi felld.

2. gr.

Auglýsing þessi er sett samkvæmt 150. gr. tollalaga nr. 55 30. mars 1987 til að öðlast gildi 1. september 1987.

*Fjármálaráðuneytið, 26. ágúst 1987.*

**Jón Baldvin Hannibalsson.**

Guðrún Ásta Sigurðardóttir.

26. ágúst 1987

Nr. 398

**AUGLÝSING**

**um afnám auglýsingar nr. 3 13. janúar 1971, um notkun heimildar í  
32. tl. 3. gr. tollskrárlaga um lækkun flutningsgjalda með  
flugvélum í tollverði vöru.**

Ráðuneytið hefur ákveðið að fella úr gildi auglýsingu nr. 3, 13. janúar 1971, um notkun heimildar í 32. tl. 3. gr. tollskrárlaga um lækkun flutningsgjalda með flugvélum í tollverði vara.

Ákvörðun þessi tekur gildi 1. september 1987.

*Fjármálaráðuneytið, 26. ágúst 1987.*

**Jón Baldvin Hannibalsson.**

Guðrún Ásta Sigurðardóttir.